



аудандық қоғамдық - саяси газет

районная общественно - политическая газета

АЛТЫН астық

20 қазан - октябрь 2025 год

eginredaksiya.kz

№ 40(664)

Президент тапсырмасы бойынша Үкімет макроэкономикалық тұрақтылықты қамтамасыз ету және экономикалық реформалардың теріс салдарын барынша азайту бағытында шаралар қабылдауда

Премьер-министр Үкімет мүшелерінің, басқа да мемлекеттік органдар мен ұйымдар басшыларының қатысуымен Мемлекет басшысының азаматтар мүддесі үшін экономикалық реформалар бағдарламасын жүзеге асыруды ретке келтіру жөніндегі тапсырмаларын орындау мәселелері бойынша кеңес өткізді.

Жиын қорытындысы бойынша келесідей шешімдер қабылданды.

Бірінші.

Биылғы 16 қазаннан бастап инфляция деңгейі тұрақтанғанға дейін АИ-92 маркалы бензин мен дизель отыны бағасын одан әрі көтеруге мораторий енгізіледі.

Премьер-министр Энергетика министрлігіне Бәсекелестікті қорғау және дамыту агенттігімен және өңір әкімдіктерімен бірлесіп, тиісті қадағалау жүргізуді, сондай-ақ ішкі нарықты ЖЖМ-мен үздіксіз қамтамасыз ету үшін қажетті шаралар қабылдауды тапсырды.

Екінші.

Биылғы 16 қазаннан бастап барлық тұтынушылар тобы үшін коммуналдық қызметтер тарифтерін көтеру 2026 жылдың I тоқсанының соңына дейін тоқтатылады. Тарифтердің өсуін тежеу табиғи монополиялар субъектілерінің операциялық шығыстарын оңтайландыру есебінен қамтамасыз етіледі. Бұл ретте ТКШ жүйесі нысандарында жоспарланған барлық жөндеу жұмысы белгіленген мерзімде аяқталуы тиіс. Айта кету керек, халықтың әлеуметтік жағынан осал топтары үшін тұрғын үй көмегін көрсету тетігі қолданылады. Әлеуметтік маңызы бар азық-түлік тауарлары бағасының өсуіне жол бермеу үшін отандық ауыл шаруашылығы тауарын өндірушілерді қаржыландыру көлемін екі есе ұлғайту арқылы тұрақтандыру қорларының жұмысына қосымша серпін беріледі, бұл өз кезегінде ӘМАТ санатына жататын өнімдер бағасының төмендеуіне әкеледі.

Делдалдық схемаларды және сауда үстемелерін асыра қосу фактілерін анықтау жөніндегі өңірлік комиссиялар жұмысын күшейтуге ерекше назар аударылады.

Үшінші.

Жаңа Салық кодексінің шағын және орта бизнес қызметіне теріс әсерін азайту мақсатында оңайлатылған декларация негізіндегі арнайы салық режимін қолдануға салынатын басы артық шектеулерді алып тастау туралы шешім қабылданды. Тұйым салынған тізімде, қолданыстағы заңнамадағыдай, тек 44 қызмет түрі сақталады.

Одан бөлек, 2026 жылғы 1 қаңтардан бастап салықтық әкімшілендіру «таза парактан» жүргізіледі, бұл микро және шағын бизнеске қатысты келесі жайттарды көздейді:

- салықтық тексерулер алынып тасталады;
- камералдық бақылау алынып тасталады;
- сот органдарына мәмілелерді жарамсыз деп тану туралы талап-арыз беру тоқтатылады;
- сот органдарына тіркеуді, қайта тіркеуді жарамсыз деп тану туралы талап-арыз беру тоқтатылады.

Салықтар мен төлемдер бойынша салынған өсімпұлдар мен айыппұлдар 2026 жылдың 1 сәуіріне дейін негізгі қарыз өтелген жағдайда жойылады.

ҚҚС бойынша есепке қою шегінен асқан салық төлеушілер әкімшілік жауапкершілікке тартылмайды.

Сондай-ақ салық төлеушілер үшін салық және әділет органдарында камералдық және салықтық тексерулер жүргізбей-ақ, оңайлатылған тәртіппен есептен шығару науқаны өткізіледі.

Бұл жаңа Салық кодексін кезең-кезеңімен енгізуге және салық төлеушілер үшін салықтық әкімшілендіруді жеңілдетуге мүмкіндік береді.

Төртінші.

Базалық мөлшерлеменің көтерілуіне байланысты екінші деңгейлі банктер тарапынан ипотекалық бағдарламалар бойынша ұсыныстардың қысқаруы аясында тұрғын үй-құрылыс жинақ жүйесін қолдау туралы шешім қабылданды. Соған сәйкес, халық үшін арзандатылған ипотекалық несие көлемі екі есе ұлғаяды, бұл тұрғын үйге қолжетімділікті қамтамасыз етуге мүмкіндік береді.

Аталған шара қолданыстағы «Наурыз» және «Наурыз-Жұмыскер» бағдарламалары арқылы несиелеу көлемін 500 млрд теңгеге дейін ұлғайту жолымен жүзеге асырылады. Сонымен қатар сұранысқа ие «Әскери баспана» бағдарламасы қайта іске қосылады, ол жыл сайын кемінде жеті мың әскери қызметшінің отбасына жаңа үйден бөлек, қайталама нарықтан да пәтер сатып алуға мүмкіндік береді. Құрылыс компанияларымен осы бағдарламалар шеңберінде салынатын тұрғын үй құрылысы бойынша офтейк-келісімшарттар жасалады. Бұл ретте құрылыс салушылар үш жылға бағаны бекіту бойынша қарсы міндеттемелер қабылдайды.

Бесінші.

Отандық автоөндірушілер мен екінші деңгейлі банктер халықтың жеңіл автокөлік сатып алуын қаржыландыру бағдарламаларын одан әрі жалғастырады. Жеке тұлғаларға жеңіл автокөлік сатып алу бойынша лизинг



Құрметті жерлестер!

Сіздерді Ұлы мемлекеттік мереке — Қазақстан Республикасы күнімен шын жүректен құттықтаймын! Бұл айтулы күн еліміздің тарихында ерекше орын алады. Бұл жаңа дәуірдің басталуын, өркендеуге, бірлік пен әділеттілікке ұмтылған тәуелсіз мемлекеттің дүниеге келуін білдіреді.

Бүгінде Қазақстан өзінің саяси, экономикалық және рухани негіздерін нығайта отырып, жасампаздық жолымен сенімді жүріп жатыр. Бұл ілгерілемелі қозғалыста сіздердің әрқайсыларыңыздың еңбектеріңіз бен күш — жігерлеріңіз, қымбатты аудан тұрғындары. Сіздердің игі істеріңіз, жанқиярлықтарыңыз және болашаққа деген сенімдеріңіз біздің кішкентай Отанымыз-Егіндікөл ауданын-күшті, әдемі және гүлденген етуде.

Бұл мереке бейбітшілік пен келісім үшін біздің туған өлке, сүйікті Республикамызды жаңа жетістіктерге шабыттандырсын!

Баршаңызға зор денсаулық, бақыт, амандық, бейбітшілік және Ұлы Қазақстанның азаматтары екендігімізге мақтаныш тілеймін!

Республика Күні Құтты Болсын! Әр үйде қуаныш естілсін, әр жүректе Отанға деген сүйіспеншілік өмір сүрсін!

Құрметпен,
Егіндікөл ауданының әкімі
Юрий КУРУШИН

Дорогие земляки!

Сердечно поздравляю вас с великим государственным праздником — Днём Республики Казахстан!

Этот знаменательный день занимает особое место в истории нашей страны. Он символизирует начало новой эпохи, рождения независимого государства, устремлённого к процветанию, единству и справедливости.

Сегодня Казахстан уверенно идёт по пути созидания, укрепляя свои политические, экономические и духовные основы. И в этом поступательном движении — труд и старание каждого из вас, дорогие жители района. Ваши добрые дела, самоотверженность и вера в будущее делают нашу малую родину — Егіндықольский район — сильнее, красивее и благополучнее.

Пусть этот праздник вдохновляет нас на новые свершения во имя родного края, любимой Республики, во имя мира и согласия на нашей земле! Желаю всем крепкого здоровья, счастья, благополучия, мира и гордости за то, что мы — граждане великого Казахстана!

С Днём Республики! Пусть в каждом доме звучит радость, а в каждом сердце живёт любовь к Родине!

С уважением,
аким Егіндықольского района
Юрий КУРУШИН

Цифрландыру – ауылшаруашылығын дамыту тетігі

Мемлекет басшысы Қасым –Жомарт Тоқаев биылғы жолдауында заманауи технологияларды, әсіресе жасанды интеллект пен цифрландыруды мемлекеттік басқару мен экономикаға терең енгізу қажет екенін нақты атап көрсетті. Бұл - дегеніміз мемлекетіміздің жаһандық бәсекеге қаблеттілігін арттыру жолындағы маңызды қадам. Президентіміз Жолдауда ауылшаруашылығы саласының стратегиялық маңыздылығына тоқталып өтті.

Еліміз аграрлық әлеуетті жоғары мемлекет ретінде өзімізді сапалы азық-түлікпен қамтамасыз етіп қана қоймай, халықаралық нарыққа да экспорттық мүмкіндігі мықты елге айналуға тиіс екенін атап өтті. Сол үшін ауылшаруашылық саласына цифрлық технологиялар мен жасанды интеллектіні кеңінен енгізу қажет. Бұл жұмыс бұрында жүргізілген еді, бірақ тиісті дәрежеде істелген жоқ.

Экономикасының негізі ауылшаруашылығы болып саналатын Ақмола облысының ірі астықты аймақтарының бірі – Егіндікөл ауданы үшін жолдауда айтылған басымдықтар нақты бағдар әрі тікелей тәжірибелік мәнге ие десем артық айтқаным емес. Технологиялық жаңғырту, әсіресе өндірісті цифрландыру агроөнеркәсіп кешенін жетілдіруге өз септігін тигізеді және шешім қабылдаудың дәлдігі мен тиімділігін арттырады. Ал жасанды интеллект өсімдік аурулары мен зиянкестерді

тетігі енгізіледі. Бұл азаматтардың автокөлік сатып алу мүмкіндіктерін кеңейтуге бағытталған.

Одан бөлек, «Бәйтерек» холдингіне қысқа мерзімде шағын және орта бизнесті қолдаудың қосымша шаралары бойынша ұсыныстар беру тапсырылды.

Премьер-министр Олжас Бектенов Үкімет жүргізіп отырған реформалар еліміздің ұзақмерзімді тұрақты экономикалық

ерте анықтауға, өнімділікке қатысты болжамдар жасауға, нақты деректерге негізделген аграрлық оңтайлы шешімдер қабылдауға мүмкіндік береді.

Цифрлық шешімдерге негізделген дрондар, сенсорлар, смартфермалар, интеллектуалды суару және дәлме-дәл егіншілік жүйелері ауыл шаруашылығында автоматтандыруды қамтамасыз етіп, әрі ресурстарды ұтымды пайдалануға негіз болады.

Ауылдағы еңбек адамын қолдауға бағытталған - фермерлерге арналған онлайн сервистерді дамыту, мемлекеттік қолдау мен субсидиялардың ашықтығын қамтамасыз ету қажет және тиімді шаралар.

Жолдауда экологиялық таза, әрі органикалық өнім өндіру негізгі басымдықтардың бірі ретінде айқындалды. Жасанды интеллект және цифрландыру ауыл шаруашылығында өнімділікті арттырып қана қоймай, ресурстарды үнемдеуге, өнім сапасын жақсартуға, қауіпсіздікті нығайтуға және халықаралық нарықты бәсекеге қабілетті болуға, мүкіндік береді деді, ел Президенті.

Қ. Шынтеміров,
Егіндікөл аудандық
мәслихатының төрағасы

өсуін қамтамасыз етуге, экономикада базалық нарықтық қағидаттарды терең орнықтыруға бағытталғанын атап өтті. Бұл ретте Үкімет Мемлекет басшысының әрбір қазақстандықтың әл-ауқатын арттыру қажеттігі туралы нұсқауларын, экономикалық дамудың негізгі көрсеткіші ретінде қарастыра отырып, қатаң ұстанады.

primeminister.kz